




KINEPNA VANG A THANOPNA

Simmun 7: May 18, 2024




“Hiche nikho chuleh hita kisei ding ahi: “Ven, hiche hi eiho Pathien chu ahi; ei huhhing theina ding uva eihon ama inga jing u ahi e. Hiche hi Pakai chu ahi, eihon ama inga jing u ahi e! ama mihuhhingna a hin eiho thanuom in kipah u hite” kiti'nte.” (Isaiah 25:9)



Gao thusei tampi aguilhun toh lhon in, vannuoi mitin Jesu niveina hungkit loi ding thu ah lunglutna le khuolgilna, chuleh sapphuongna ahinnei tauvin ahi.

Alah uva hetthei chu Germany gammi Johann Albrecht Bengel (1687-1752); Chile gammi Manuel Lacunza (1731-1801); North America gammi William Miller (1782-1861); chuleh Joseph Wolf (1821-1845) kitiho hin thupha chu Africa, Egypt, Abyssinia, Asia, Palestine, Syria, Persia, Uzbekistan leh India analhut un ahi.

Amaho leh adang tampi'n Jesu Christa hungkitna ding hi kum jabi 19 kimtuhlai hinte tin anatahsan ui!

 **Jesu niveina hungkit ding:**

 Kinepna dei um tah.

 Jesu iti hung ding ham?

 **William Miller:**

 Bible hichet ding dan.

 Gaova phaata sim dan.

 Nikho 2300 gaothu.





JESU NIVEINA HUNG KIT DING

KINEPNA DEI UM TAH

“Kinepna thanop um tah chuleh Pathien lien chungnung leh ei huhhinguva Jesu Christa loupina hung kilah ding chu kat jing a ium ding u chu eihil u ahi tai” (Titus 2:13)

Jesu'n ahungkit ding eiteppieh u kipat (Jn. 14:1-3), tuni gei in hiche nikho chu tahsan chate kinepna ahung hi jing tai (Titus 2:13).

Hiche kinepna chu Roman Catholic Church in jong, Orthodox Church in jong atahlah gel un, Anglican Church leh thupha lhangsam Luther, Calvin chuleh reformer dang hon jong ahillhang un ahi.



Jesu hungkit ding idia mitin thanop leh ngael hi a hin tem?



Nat, gim leh thi umtahlouna nikho anai atahlang e.



Chagat, dihlou tah natch leh kisuhgentheina kichai tah ding atahlang e.



Kinah, kizat chuleh kidou bei tah ding atahlang e.



Cham, kipa leh Pathien toh lhatkhomna ding kot ahin hong e.

JESU ITI HUNG DING HAM?

“Ijeh in em iti leh kolphe niso lam a ahung phetdoh leh nilhum lam gei in asalvah in, Mihiem Chapa hungkit jong chuto bang ding ahi” (Matthew 24:27)

Kum jabi 19 chun Protestant thuhil hon Second Coming thudol dihlou tah in anahille un ahi; Jesu ahung tieng leisiet a kumsang chamna lenggam atundoh ding (premillennialism), ahilouleh Second Coming masang chet a kumsang chamna phaata um ding (postmillennialism) ahi anati uve.

Hinlah reformer hon kumsang lenggam masang ngei a Second Coming um ding ahi un, hichu:



Akisun bang tah hiding
“Kahung vah ding ahi”
(Rev. 22:20)




Muthei tah hiding
“Mit jouse’n amu ding ahi”
(Rev. 1:7; Mt. 24:27)




Ging leng lung tah hiding
“Pakai amatah a aw toh,
vantil pipui awgin toh,
chuleh Pathien sumkon
gin toh” (1Thes. 4:16; 1Co.
15:52)



Loupi tah hiding Athiho
thou masa diu, ahing
chengho kikhel diu,
iboncha uva lahtouva
ium diu ahi (1Thes. 4:13-18;
1Co . 15:51-55)





WILLIAM MILLER

BIBLE HILCHET DING DAN

"Ajieh chu chondan chondan a umseh ding, chonna chonna a umseh ding, hila a themkhat, khulam a themkhat ahi, ati" (Isaiah 28:10)

Isaiah thusut (Is . 28:9-10) bang tah a Bible ama le ama kiledoh/kihilchet sah ding William Miller in agellha tai.


Genesis apat apan in, Bible muntin ahin simsuh tai. Hetthiemlouna umho hilchetna Bible mundang ah aholkitji'n ahi.

Hiti chun Lhagao Thieng hetna vah in ahin sal tan, Bible thulhung kichiehtah a hetthiemna ahin neithei tai.

Gaothu kiseina lai ahin phah chun, hilai hetthiemna dia jong chutima a abol ngai ahi

ahin mudoh tai:

Bible ama le ama akiledoh/akihilchetsah chun Miller in mudoh thah kidang tampi ahin nei tai.



Sahiem chu lenggam vetsah ahi (Dan. 7:17, 23)




Huipi chu gamsung buoina meipi vetsah ahi (Jer. 49:36)




Tuipi chu mi tampi vetsah ahi (Rev. 17:15)



Numei chu houbung vetsah ahi (Ez. 23:4; 2Co. 11:2)



Nikho chu kum vetsah ahi (Num. 14:34; Ezek. 4:6)



GAOVA PHAAT SIM DAN

“Nilhah le jingkah 2300 gei a hiti a hi um ding ahin, chujou tieng leh munthieng jong aumna ding dol a kikoi a, kithahsiemdoh ding ahi.” (Daniel 8:14)

Miller te phaath lai chun leisiet hi Pathien houbuh umna ahi tin ana tahsan un, hijieh chun aman jong hiche gaothu hi leisiet suhthiengna thudol hi intin (Dan . 8:14) Christa hungkitna ding vetsah hitei inte tin ana tahsan e.

Gabriel vanti in hiche thudol chilchep a hilchetna apieh jong amudoh e:



Kelngoichal= Media leh Persia (Dan. 8:20)



Kelchal = Greece (Dan. 8:21a)



Ki-bong = Alexander leh athalheng lengho (Dan. 8:21b-22)



Ki-neo = Rome lenggam leh Rome houbung vetsah ahi (Dan. 8:23-25)



Ahin, nikho 2,300 thudol hilchetlouvin aum in ahi (Dan. 8:26-27).

Kum phabep jouvin Gabriel vanti chu Daniel hilchetpieh din ahung kisol tai (Dan. 9:21-23). Phaath ‘kikahdoh’ aum in, hichu ‘Jerusalem khopi kisahphat kit ding thupieh um a pat simpat hiding’ (Dan. 9:24-25) ahi ti aseipeh tai. Hiche thupieh nikho chu hedohthei leh Miller chun nikho/kum 2300 kipatna kum ahethdoh jieng thei ahi tai.

NIKHO 2300 GAOTHU

"Ezra, nangman jong nathaneina Pathien in chihna napieh dungjui in vaipo a pang ding leh thutan vaihom ding lhengdoh in...Pathien danthu hethiem mi jieng hidiu ahi, ijem ti a danthu chu ahethiemplou aumkhah a ahi jong leh nangman nahilthu thu ding ahi" (Ezra 7:25)




Persia leng Artaxerxes chun alengchan kum sagi lhin kum chun Ezra chu Jerusalem che a, agamsung kivaipuohna lhingset a tungdoh kit din thupieh anei tan ahi (Ezra 7:7, 11-14, 20-21, 24-25). Hichu kum 457 BC chu ahi.

Hapta 70 gaothu vetsah bang in Jerusalem kisahphatkitna din kum 49 alut in, chu jouvin Messiah hung pien kah in kum 434 alut kit e (Dan. 9:25). Hiti chun Jesu baptisma chan chu 27 AD ahi mudoh ahitan, hapta 70 kichaina jong 34 AD ahi akichieh tai.

Gaothu kiseinaho akaikhom chilchel a, asuhto jou chun Miller chun Jesu hungkitna ding chu kum 1843 vel hidin atahsan tan ahi.

Chomkhat jouvin kum kisimna a kum 0 umlou ahijieh in kum 1843 hiding ati chu kum 1844 hijo din amudoh tan, Jesu hungkitna ding kum hidin atahsan tai.



NIKHO 2300 GAOTHU

"Namite le nakhopi chungchang a...hapta 70 lut ding thugahna kibolsa ahi tai" (Daniel 9:24)

"Nilhah le jingkah 2300 gei a hi hiti a hi um ding... munthieng jong... kithahsiemdoh ding ahi."



“Jesu huhhingna natoh abulhitna ding a aniveina ahung kit ding thupha kisei hi Bible a thu gimnei le thu loupitah, thutah kimu lah a khat chu ahi. Thina gam le muthim lah a lha ding a phaata sotpi dalhah a um Pathien khuoljin mite din ahung kilahkit ding thutiep chun manlutah le kipa umtah kinepna ape’n ahi. Ama chu amite dia “thokitna le hinna” ahin, “pamkoi a um amite inn ahin lhut kit ding ahi”. Jesu aniveina hungkit ding hi Pathien Lekhabu Thieng thuhil kitahlahtah thupha chu ahi.”

EGW (The Great Controversy, pg. 299)



“Bol dingho bolna ding ineisun u tuni hi ahi. Tuni hi ei kingansena uva kitah tah a um phaata chu ahi. Tuni hi ilungthim pumpi a Pathien ngailut ding, ihieng ikom eima kingailut bang a ngailut ding nikho chu ahi. Melma lhez patepna inan ding u, Christa lungsietna vang a galjona ichan diu ahi. Hiti a chu Christa hung kit ding ve jing le ngah jing ihi diu ahi. Nitin hinkho man jong leisiet a inikho chaina ahi kihetpi bang a man ding ahi. Christa jing nikho a hung ding he le hen tu nikho iman jong kampha leh thilpha dimset ihisah ding hilou ham, chang ding gellou khop a?”